

DETAIL STATEMENT ON THE PUBLIC HEARING FOR THE PROPOSED SOLID WASTE MANAGEMENT FACILITY AT RIANGVAI THLAN MUAL, LUNGLEI

Venue: Convention Centre, Lunglei

Date & Time: 29th April, 2025 (Tuesday) @ 12:00 Noon

SAWI HAWNNA: Ministry of Environment, Forest & Climate Change, Government of India-in lehkhha No S.O.1533(E) ni 14 September 2006 hmangin EIA Notification, 2006-a Schedule hnuaia project rinluh te, din an nih hmain vantlang inkhawm huaihawt tur a nih thu a chhuah a. Hetiang bawlhhlawh sawngbawlina hmun hi Schedule 7(i)-ah Category B1 projects niin, Mizoram SEIAA/SEAC hnen atangin Environmental Clearance a mamawh a ni.

He Vantlang Inkhawm hi UD&PA Department, Government of Mizoram ten 15MTPD Solid Waste Management Facility, Rianguvai Thlanmual, Lunglei-a an dinna tur chungchang a ni a. A chungah lehkhha tarlan tak dan zawmin Chairperson Pi Zoramdini, MCS, Additional Deputy Commissioner, Lunglei District kaihhraina hnuaiah neih a ni.

He Vantlang Inkhawm-in a tum chu bawlhhlawh sawngbawlina hmun sak turin a nghawng phaka cheng te hnen atanga he project an hmuhdan leh rawtna an neih te ngaihthlaksak a ni a. Khaw mipui, pawl hrang hrang leh khawtlanga mi challeng te leh a hmuna cheng te an rawn tel a ni.

Vantlang Inkhawm-a tel te hming Annexure-ah dah a ni.

Chairperson, Pi Zoramdini, MCS, Additional Deputy Commissioner, Lunglei hnen atanga lawmna thuin Vantlang Inkhawm hi tan a ni a. Mipui lo kalkhawmte hriat turin Inkhawm koh a nih chhan te, Environment (Protection) Act, 1986 leh EIA Notification, 2006-in a sawi avanga huaihawt a tul thu te a sawi a. He project hi bawlhhlawh paihdan mumal lo avanga a chhehvelin a tuar te tiziaawma boruak leh tui lo thianghlim phahna tur a nih avangin district-in hetiang hmun an nei tur chu an vannei a tih thu te a sawi.

Project chungchang ngaihthlak a nih hnu hian Inkhawm kaihruaitu chuan he project hi Schedule 7(i)-ah Category B1 project niin SEIAA, Mizoram emaw MoEF&CC hnen atangin Environmental Clearance a mamawh thu a sawi a. Vantlang Inkhawm-in a tum chu mipui hnena a project chungchang kimchang inhrilhhriat a, mipui te, a bik takin project-in a nghawng phaka cheng te hmuh dan, duh lohna leh rawtna te ngaihthlak a ni a, chung te chu Final Environmental Impact Assessment (EIA) Report-ah thuneitute ngaihtuah tura ziah lan tur a ni.

Inkhawm kaihruaitu chuan Environmental Consultant, Eco-Management Services & Voyants Solution Pvt.Ltd te project chungchang kimchang presentation pe turin a ko a, Project Proponent (Urban Development & Poverty Alleviation Department, Government of

Mizoram) aiawhin Consultant-in PowerPoint presentation a pe a, a hnuaia mi te hi a sawi tlangpui chu a ni:

- Project tlangpui leh a tulna te.
- Project awmna hmun tur, a ruangam, a tum te leh a chhehvel (environment) awm dan leh nih dan.
- Lunglei-a bawlhhlawh sawngbawl a nih mek dan leh a harsatna awm te.
- Lunglei chhunga bawlhhlawh phur motor tlan dan tur te, a paihna hmunpui te, in tina thliar hran dan tur te, drum composting hmanga tawihthei tihtawih ran dan te, bawlhhlawh phur motor khuh te, landfill chungchang kimchang leh tui chhe tlingkhawm tihtianghlim te, leh mihring tha a mamawh tur zat te.
- Environment zirchianna leh environment-in a tawrhloh dan tur bera hmalakna Environmental Management Plan (EMP)-a tarlan te.
- Thuneitu hnen atanga Environmental Clearance lak dan kalphung.
- Environment leh khawtlang tana hamthatna awm thei te.

Presentation zawhah inkhawm hruaitu chuan, Pi PC Lalmuanpuii, Environmental Engineer, Mizoram Pollution Control Board chu Vantlang Inkhawm neih a nih dan leh a kalphung te sawi turin a sawm a. Mipui kal khawm te hnenah Vantlang Inkhawm huaihawt tura dilna chu Mizoram Pollution Control Board-in ni 24.03.2025-a a dawn thu leh hun tiam ni sarih (7) ral hma ni 29th leh 30th March 2025-ah Hriattirna chanchinbu lar viz. “Vanglaini” (nitin chhuak) & “Newslink” (Sap tawng nitin chhuak)-ah te pekchhuah a nih thu a sawi.

Pukpui, Lunglei khawtlang pawl aiawh hrang hrangte thu tlukna chu ni 28th April, 2025-ah, Vantlang Inkhawm huaihawt a nih hmain ziaka dawn a nih thu a sawi a. Amaherawhchu, Vantlang Inkhawm koh a nih chhan nen a inmil chiah loh avangin inkhawm hruaitu thutlukna angin he huna ngaihtuahho a nih rih loh tur thu a sawi bawk.

Mipui sawi tur nei ten an hming leh nihna leh veng te chiang taka sawi hmasa turin a ngen bawk. Inkhawm chu mipuite ngaihndan lakkhawmna hun a nih thu leh thutlukna tawp erawh siam tur an nih loh thu a hrih bawk.

Inkhawm hruaitu chuan a ngaipawimawh zawngte sawi turin Pu Lalduhthlana, IFS, Divisional Forest Officer (DFO), Lunglei chu a sawm bawk a, ani hian clearance chi hrang hrang leh an danglamna te bakah he project hian Wildlife Clearance a mamawh loh thu te a sawi a, inkhawma lo tel zawng zawng te hnenah lawmthu sawiin sawihonaa huai taka tel turin a fuih bawk a ni.

Hemi hnu hian Inkhawm hruaitu hian mipui te ngaihndan sawi turin a sawm zui a, an thusawi kimchang a hnuaia tarlan ang hian dah a ni.

Zawhna 1-na: Pu PC. Vanlalhmuaka, Chairman, Local Council, Pukpui:

“Tuna Pukpui khawtlangin kan khaw bula an siam mek hi kan sawiho ang a kan duh loh zia te lantir turin lehkha kan rawn theh lut a, mahse, helai hmuna sawiho hi a sual chuang lova, tunah ruahmanna kalpuiin an ti mup mup tawh a, chu chu khawtlang ang chuan kan duh lo. Ruahmanna a kal laia kan tih loha nakina kan rawn sawi chauh chuan kan tlai kan hlau a

ni. Chuvang chuan tunah hian kan topic ni lo mah se, tun hi sawi hun lai ni-a kan hriat avangin lehkhaw rawn thehluta rawn kal kan ni. Kan lehkhaw rawn thehlukah kan environment a nghawng theih dan tur leh kan khawtlang tana a that loh ziate kan rawn thehlut vek a, Bethel Centre-a in siam tur ang tho kha siam tur a nih avangin hma rawn la ve-in lehkhaw kan rawn thehlut a ni”.

Chhanna: Pi Zoramdini, Addl. Deputy Commissioner, Lunglei District & Inrawnkhawm hruaitu:

“Vawiin chu Rianguvai Thlanmual lam a nih angin Pukpui lam chu kan sawi tel dawn lo a. A hranin nakinah Pukpui lam chu sawi leh tho tur a nih avangin vawiin bikah chuan sawi tel ve loh tur a ni e”.

Sawibelhna: Pu PC. Vanlalhmuaka, Chairman, Local Council, Pukpui:

“Pukpui lama hma an lak lai khu a rang thei ang bera sawi kan duh, kan lehkhaw hmuah hian a hmun hi a rawn sawi lo va, chuvangin, Pukpuia din ve tur khawtlangin kan duh lohna te ziaka rawn thehlut kan ni a, chu chu min lo hriatsak ula, a rang thei ang bera hma min laksak tur leh.....”

Chhanna: Pi Zoramdini, Addl. Deputy Commissioner, Lunglei District & Inrawnkhawm hruaitu:

“Vawiin hi chu Pukpui lam sawina platform a ni lo a, in lehkhaw submit-na tur pawh a ni lo va, kha kha chu thuneitu dang an awm leh zawk a, kan inhriatthiam a ngai a ni”.

Zawhna 2-na: Pu Lalrotluanga (Mavala), YMA Sub-Headquarters, Lunglei:

“YMA Sub-Headquarters-ah hian rei tak hruaitu ka lo ni ve tawh a, President chawh chiah kha ka ni e. Eizawna lamah College-ah thawkin Geography-ah Head of Department ka ni a, environment humhim hi ka tuina zâwng tak a ni. Vawina kan sawiho tur hi YMA angin vawi tam tak kan lo sawiho tawh a, COVID hmâ te pawhin. A hmun lamah hi chuan harsatna kan tâwk tawh lo niin kan hria a, kan sawi ho kan hriat theih chin hnuhnung bera kan buaina leh mutân lai ber chu bawlhhlawh thliarhran inzirtirna kha a ni. He thilah hian vawiin thlenga Lunglei khawpuia in hrang hrangte hmâ kan sâwnna a la sâng lo viauin ka hria. Chuvang chuan he Project kan kal pui mekah hian bawlhhlawh tawihthei leh tawihthei lo thliar hran chungchangah hian awareness neih a pawimawh a, Local Council, NGO leh Kohhran thlengin awareness in pek hi he Project hlawhtlinna tura kawng pawimawh hmasa a ni.

COVID hmâ khan UD&PA Deptt kaihhruiin thil tam tak kan sawi a, India ram khawpui lian Metropolitan City-a an tihdante kan sawi a, mahse, keini chuan kan la zo lo deuh chu a ni. Bangalore-ah te chuan tawihthei dahna bawma tawihthei lo dah chuan Rs. 5000/- an chawitir thin a, keini erawh inchawitir kha kan la zo ve lo a, inzirtirna neih kha kan thu dah chu a ni. Mahse, kan bawhzui tha tawh lo. Local Council, NGO leh Kohhranahte kan inzirtir tak meuh meuh hi a ngai a ni. Kan inzirtir that loh chuan a Collector-te tan harsatna a awm zel dawnin ka hria. Tin, Lunglei khawpui chhunga nikhata kan bawlhhlawh in chhât dan kha khatiang kha a lo ni a, bawlhhlawh paihna tura truck kan chhawpchhuahte khan khawn zo thei turin kan hisâp em? Kum tin engtiang takin nge a pun tih pawh hi kan zir Chiang em

aw ka hre chiah lo a, kum 1999 khan Aizawl-ah Aizawl khawpui bawlhhlawh chungchang kan zirho tawh a, veng tin atanga nitin bawlhhlawh an tihchhuah kha an rawn sawi thei deuh thâw a ni. Sawrkar dan zawm lova mimalin an paih mai mai te kha an rawn sawi thei a, khatiang deuh khan Lunglei-ah survey kan nei ve em aw? Rin aiin Lunglei hi kan pung chak ve ang reng a, bawlhhlawh pawh a pung chak khawp mai a, chuvangin, bawlhhlawh pungchho tur milin he Project-ah pawh hian ruahmanna neih a tha khawp mai. Project dangah pawh hian kan than chhohna lai tur mila kan tih thin tâwk loh avangin harsatna a awm thin a, ka rawn din chhuah chhan ber chu bawlhhlawh thliarhran nachâng hre tura inzirtirna Public Awareness hi nasa zâwka neih hi a ni e.”

Chhanna: Pi Zoramdini, Addl. Deputy Commissioner, Lunglei District & Inrawnkhawm hruaitu:

“Bawlhhlawh felfai taka thliar hran hun hi chu a la rei viau ang a, chuvang chuan mipui lamin thu kan awih a ngai. Kan thliar fel sa thlap chuan felfai takin bawlhhlawh a sawngbawl theih dawn a, sikul atanga tanin Biak In-ah te inzirtirna kan kalpui chho ang a, in tinte kan tan a ngai dawn hle a ni.”

Zawhna 3-na: Pu L.H. Lalngaihuala, Treasurer, Local Council, Sazaikawn:

“Khulaia bawlhhlawh paihna hman lai khu a tuartu kan ni a, a diktak chuan environment aia pawimawh mihringin kan tuar a ni. Khulaia bawlhhlawh an paih hma chuan, kan khawtlangin mitthi kan nei tlem thin khawp mai a, kum lama upa pawh an hrisel viau thin. Mahse, bawlhhlawh paiha an hâl tâk hnû, tun kum 4-5 vel lek chhung hian kum upa lam, hrisel tha taka kan ngaihte, mi sawm (10) dâwn lai an thi a ni. Chuvang chuan environment ai mahin Humanitarian Ground kha a pawimawh zawk chu a ni. Zannah bawlhhlawh an hâl vak a, kan veng kâwnlaiah chuan plastic rim hliar a nam ta a, a tukah kan veng mi chu a chau tlat mai a, a oxygen level a lo hniam em em mai a, damdawi in-ah kan tlan chhoh pui a ni. Chutiang chuan kan veng mi eng emaw zat khuan kan tuar a, tuna naupang ho pawh hi eng ang takin nge an hriselnaah nghawng a neih ang aw tih hi ka ngaihtuah a ni. Kan khua Sazaikawn chhak lawkah District Jail a awm a, mi 100 chuang an awm mek a ni. Kan khua mai ni lo, jail-a awm te tan pawh a him lo khawp mai. Hman zannah pawh dar 2:00 am velah plastic rim a rawn nam nasat avangin tukverh kan khar hial a ni. A forest lam, a environment lam ai mahin mihring nunna khuan a tuar tlatin ka hria a, nakin zelah naupangte khuan chuap leh thâwk lamah harsatnate pawh an nei thei tlat niin a lang. Museum rawn entute pawhin a hmunhna hi nuam mahse a boruak hi a hrisel lo a ni tih hi an sawi dan a ni. Chuvangin, Sazaikawn chuan ngai pawimawhin YMA, MHIP leh MUP leh Local Council aiawhte a thei thei kan rawn kal a ni.

Tin, wildlife lam pawh a nghawng a, kan awm tirh kum 1988, bawlhhlawh paihna atana hman a nih hma kha chuan Saza te, Sakhi te, Vahrit leh Ramar te an ngampa a, hmuh theihin an awm fova, mahse, tunah chuan hmuh tur an awm tawh lo.

Tin, tuna Project-in a rawn sawi anga motor-a paih tur chuan min cover hneh lovin ka hria a, nitina veng hrang hrang atanga bawlhhlawh paih motor rawn kal thinte hi 20 chu an ni hrim hrim a. Bawlhhlawh a tam avangin paih hlei thei lo khawpa in hnawhkhawm thin a ni. UD&PA Deptt pawhin JCB-a an nawr fê pawha nawr hleih theih loh khawpa chhah bawlhhlawh a awm thuai zel mai a ni.

Chuvangin, eng ang pawhin siam ta se la, environment ai mah khuan a mihringte khu a tuartu kan ni dawn a, a chian em emna chu tunah khuan kum upa khu kan nei tawh lo, a hmâa hrisel lohna nei vak lo khan khatiang khu an hip an hip khan oxygen pek ngai hlin an awm a, chuvang chuan hmun dang khawilaiah emaw hian a sawn theih mai lo em ni? Khulaiah khuan awm lo thei se tih hi kan rilrua lian ber a ni.”

Chhanna: Consultant (ECO-Management Services & Voyants Solution Pvt. Ltd.):

“Tuna bawlhhlawh hal in sawi kha chu Centre sak thar tur bula mi kha niin ka hria a, ka hriat sual chuan min lo correct ula. System tharah hi chuan bawlhhlawh hal hrim hrim hi phal a ni lo va, bawlhhlawh hrim hrim hal tur a ni lo. A tawihthei ho chu leitha siam nan hman tur a ni a, tawihthei lo ho chu recycle theih chu recycle tura thawh chhuah vek tur a ni a, recycle loh tur chu landfill-ah phum bo vek tur a ni a, chu pawh chu a rimchhe veng turin leia phum tur a ni. A bul vela tui chhia lo chhuak turte pawh kha tanky siama treatment kalpui tur a ni a, paih chhuahna atan a him em tih endik hnu-ah chauh paihchhuah tur a ni bawh.

Motor chungchang chu UD&PA Deptt -in ruahmanna an lo siam tawh dan a ni a, khawn zo tura an ngaih a ni. Khawn zo dawn lo nia kan hriat chuan rawtna min lo siamsak dawn nia.

Kan bawlhhlawh thang zel leh mipui than zel dan chhutin kum 2032 thleng dawl zo tura chhut lawk a ni. Kum 2015 khan kan bawlhhlawhte hi 29.08 metric tons anga chhut a ni a, kum 2032-ah chuan 39.9 metric tons anga pung tura chhut a ni. Chumi pawh chu la dawl zo tura ngaih a ni”. (Note: Zawhna 2-na chhanna)

Zawhna 4-na: Pu M. Kulhengliana, Vice-President, Rahsi Veng Branch YMA:

“Hetiang Project ruahmanna hi vawi leh khata rawn thleng thut thei chi a ni lo va, kum 4-5 hnu-ah chuan kan function thei chauh ang a tih tur a ni. A hmaa an sawi ang khan tawihthei leh tawihtheilote kan han ruahman fel ang a, veng tinah hma kan sawn ngei ang. Chu bakah leachate ang chite engtin nge kan incinerate ang, a khawl kan bun ve dawn nge ni, a nghahhlelawm hle a ni. Fur khua a intan chho dawn a, tui chhe luan chhuahtir dan turte kha fimkhur tura inzirtir a va pawimawh dawn em. Furpui tak tak kan thlen hma hian veng tinah kan tih hmasak hi a pawimawh ang em le tih te kha vawiin hian hma min lakpui a thain a duhawm khawp mai. Hmasawna awm ngei turah ngai ang.”

Zawhna 5-na: Pi B. Suihnemthangi, MHIP Hruaitu, Sazaikawn:

“Bawlhhlawh paihna kan buaipuina hi a rei tawh a, Lunglei-a bawlhhlawh zawng zawng hi Sazaikawn lamah hian an rawn kal a, chu chu a tuartu tan lo chuan min rawn hriatpui tak tak lo a ni. Hal loh tur in ti si a, mahse, vawiin thlengin engati nge a khu hi a la awm? Bawlhhlawh hal khu avanga Sazaikawn kan han hreawmzia chu. Zana, khawlumah pawh tukverh hi kan hawng ngam lo a ni. Kan hawn chuan thaw chham, luna leh luakchhuakin kan awm a, chuvang chuan kan tan hian a tihngaihna hi a awm lo, a hreawm em em a ni. In va tawngna ve pawh min ti maithei a, mahse, vawiin hi a remchang a, kan vei bawh si a ni. Khawtlang pawh vawi tam tak kan inhmukhawm a, kan vei si, tihngaihna tak kan hre si lo. Vawiinah kawng thar min hawnsak turah ngaiin beiseina sang tak kan nei a ni.

Helai hmun in siam tur hi engtia rei nge ni dawn? Kha mi hma khan kum engzat nge la ngai dawn a, mihring engzatin nge la tuar dawn?

He bawlhhlawh paih hian kumtin ram kang a siam a, thing leh mau a tikang nasa hle. Kum tinin Sazaikawn hian ram kang kan thelh thin a, a râl leh lam lawk kha ngaw dur tha tak a ni thin a, Hauhuk hualreu thawm te kan hre thin. Tunah chuan sakhi han huk hriat tur pawh a awm tawh lo a ni. A thlang lawk hi Lungin lui hnar a ni a, chu chuan Ruangte lui a pawh a, chu Ruangte lui chu sangha kan manna ber thin a ni a, mahse tunah chuan sanghate pawh an pân zo tawh, ei tlak pawh a ni tawh lo. A chhan chu bawlhhlawh vang a ni. Lui dung zawng zawng a bawlhhlawh vek tawh a ni. Tho a titam em em mai bawk a, chu chuan natna hrik a tidarh a, cancer thlen thei tam tak khu kan hip ta a ni. A hmuna rawn kala rawn hre lo tan chuan in rawn hrethiam lo ang. Sazaikawn hi awmna tlak loh deuh thaw a ni mai dawn, meikhu hian min urchhuak lo ang tih hi sawi theih a ni lo. A theih hram chuan a puitlin hma hian he hmun hi min sawnsak thei ula tih hi kan duhthusam a ni tih kha min hriatsak turin kan ngen che u a ni.”

Chhanna:

Pi Zoramdini, Addl. Deputy Commissioner, Lunglei District & Inrawnkhawm hruaitu:

Bawlhhlawh hal khu nasa takin in lo tuar a, khu lai bawlhhlawh an halna khu sawn duh a nih avangin bawlhhlawh sawngbawlna hmun tur siam a ni dawn a, tuna SWM Center thar tur hi a awm loh pheii chuan bawlhhlawh an paih reng ang a, a khu reng ang a, tuna in awm dan ang kha in tawrh reng tur chu a ni dawn a ni. Chutiang a nih lohna tur chuan bawlhhlawh sawngbawlna mumal zawk siam tum a ni”.

Consultant (ECO-Management Services & Voyants Solution Pvt. Ltd.):

“Tuna bawlhhlawh hal mekna leh bawlhhlawh paihna thar hi kan hriat pawlh niin a lang. Tuna an hal khuk mekna khu chu Open Dumping System kha a ni a, tuna kan siam tum leh sawi mek SWM Centre nen hi chuan a hrang hla a ni. Tuna Open Dumping System tihtawpna tura siam tur zawk a ni a, Environmental Clearance (EC)-te kan neih theih chuan khu laia bawlhhlawh hal mek khu tihtawp tur a ni. A tharah fel fai zawk leh mumal zawka bawlhhlawh sawngbawl tawh tur a ni. Chuvang chuan bawlhhlawh sawngbawlna thar siam turin Environmental Clearance kan hmuh hi a pawimawh hle a ni.”

Zawhna 6-na: Pu Zothanmawia Sailo, Chairman, Local Council, Hauruang:

“Mizoram Pollution Control Board-in Riangaite Thlanmual-a bawlhhlawh paihna chungchang sawihona hun tha tak a buatsaih hi lawmawm ka ti hle a, tun dinhmuna khu lai bawlhhlawh paihna khuan kan khawtlang harsatna min thlen hi han sawi rik ve hrim hrim hi thain ka hria a, Hauruang khu PHE hian min rawn cover tho tak nân tui lamah hian harsatna kan tawk nasa em em a, bawlhhlawh paihna thlanga kawrte khuan Lungin lui a fin a, Lungin lui chuan Ruangte a fin leh a, tichuan Ruangte lui khu kan tan tui lâkna awlsam ber tur ni-a kan hriat avangin project-te siamin ruahmanna kan kalpui mek a, khutiang reng a nih chuan tui lak tlâk lohin a awm thei dawnin kan hria. Tîn, sawi tâk ang khan chhungkaw tam tak, zâa sawmli bawr vel hi lui dunga ei zawng kan awm a, thlaite pawh kan thar tha thin hle. Mahse, kan thlai hmunah te leh lui dung velah plastic waste chi hrang hrang hi a tam tak em em hnu hian harsatna kan tawk nasa. Kan thlai hnahte a eng zo va, khualzin veivakte tan meikhu ur a

hreaum hle baw. Hauruang hi bawhlhlawh paihna atanga 4 km bawr vel a ni a, a khu kan tuar phak ve a, kumtin kangmei tichhuakin a chhehvel a tikang hluah hluah thin. Kan environment-te pawh a nghawng nasa hle. Khua a tilum zualin tho a tipung a, ei leh in hrisel taw lo ei vangin kan hriselna pawh a nghawng phah niin kan hre baw.

Tichuan kawng dungah bawhlhlawh paih leh thlah hi a tam thin. Zin vakte tan hmuh a hrehawm a, fimkhur deuh zawka phur leh paih thin ni se ka ti hle. Tin, bawhlhlawh phur motor hian min cover chiah lova, keimahni inbuaipuiin chhung tinin Rs. 100/- bawr chawiin kan inkhawn ve thin. Heng hi kan zo lo lek lek nite pawhin a hriat a, UD&PA Deptt. lamte pawh hian tuna kan kalphung aia zangkhai deuh zawka minrawn cover theih kha kan ngen nghal baw a ni. Ka lawm e.”

Chhanna:

Pi Zoramdini, Addl. Deputy Commissioner, Lunglei District & Inrawnkhawm hruaitu:

“Ka hriatthiam dan chuan Sazaikawn-a bawhlhlawh paih mekna tawrhna nasa tak min thlen mektu leh Solid Waste Management Center kan sawi mek hi kan ngaih pawl deuh niin ka hria. Nakinah SWMC kan hawn chuan tuna bawhlhlawh paih mekna khu chu titawpin a tharah zawk kan paih tawh dawn a, bawhlhlawh hrang hrang mumal takin plastic te, tawih thei te pawh kha an lo thliar hrang ang a, cement factory-ah te pawh hralh chhawn theihin siam a ni dawn a ni. Chutiang chuan khu laia bawhlhlawh paih tawp khu tihtawpna turin SWMC hi an siam dawn a ni. Kan hawn loh chuan a ngai ang khuan a kal reng dawn tihna a ni a, chuvangin tuna kan hearing neih hi a pawimawh em em a ni.”

Consultant (ECO-Management Services & Voyants Solution Pvt. Ltd.):

“Leachate kan tih, bawhlhlawh atanga a thli chhuak treat dan chungchangah chuan landfill-ah khan lining system hman vek tur a ni a, chuta lining system atanga tuichhia lo chhuak chu collection pipe atangin tank-ah treatment pek leh vek tur a ni baw. Tanky pawh khatiang bik atana design tur a ni a, filtration system dah vek a ni baw a, chu system atanga tui lo chhuak pawh chu environment-a paih tlâk a ni em, nungchate leh tui leh lei emaw atana chhiatna thlen thei a ni em? Central Pollution Control Board-in standard a siam angin an phal chin a pêl em? A lo pelh chuan paih chhuak loa treatment pek leh tur tihte a ni a, tichuan lui tuite a tihbawhlhlawh loh nan tuichhe chhuak hrim hrim hi tuna kan waste management system-ah hi chuan leachate hi sawngbawl vek tur a ni a, sawngbawl hnuah pawh test-naa a la tling lo a nih chuan sawngbawl nawn leh tur a ni.”

Zawhna 7-na: Pu RC. Lalthanzama (Director, Relief and Development Department, Mizoram Baptist Kohhran):

“Rahsi veng leh Sazaikawn te hi ka lo bial tawh a, an harsatnate ka hriatpui a ni. Tin, khawthlang bialtu pastor kan nih laiin khu lai rim chhiarawn pal tlang hreaum kan tih ziate ka lo hre ve tawh thin a. Tin, Aizawl-ah Bialtu pastor-te’n ka va awm a, karawn let leh a ni.

Helai mipui tam zawkin kan hriatthiam tur chu Aizawl-a bawhlhlawh kan sawngbawl dan kha a ni mai a, tuna ruahmanna thar lo awm hi a tha khawp dawn mai tih kha ka lo ngaihthlak dan a ni a, ruahmanna awm tawh sa leh thil kal tawh zawng zawngah khan kan tel ve lo a, kan hre ve lo a, amaherawhchu helai rama piang ka nih avangin helai mipui

tawrhate leh khu lai ram chereu dante pawh hmu ka ni. Khu laiah ramsa an awm lo tih write-up-ah in rawn siamte pawh kha thil lawmawm a ni lo va, a chereu nasat tawhzia tilangtu zawk a ni. Mahse tuna kan hman tur chu a dang ta a, khu aia tha zawk, mipui tan leh nungcha leh ramngaw tan pawha hnawksak lo tur a ni a. Mahse plan khan 2035 thleng chauh kha min dawl zo dawn tih a ni em kha? Tunah 2025 a ni tawha. Clearance te kan han lak a kan inpeih meuh chuan beisei hun kha kan thleng chho mai dawnin a hriat a.

Tichuan, tuna kan buaipui bera chu khu laiah khuan bawlhhlawh sawngbawlna awm ta se, environment a nghawng turah hian harsatna min siam ang em tih a ni a, tuna kan hman lai ai hi chuan a tha zawk daih a, a ngaia a awm dawn ro ro kha chuan. Amaherawhchu, a veng hnai te kha chuan khu laiah khuan awm lo se tih kha duhthu an rawn thlen liam liam ta a, an tawrhna te kha chu a reh deuh huai ang a mahse a reh vek lo ang em?

Kohhran level thleng pawha inziritirna kalpui chungchangah pawh Aizawl-ah kum hei leh chen lo kalpui tawh chung pawhin educated kan la ni lova, bawlhhlawh sawngbawl kawngah kan la fail viau mai tih hi chu ka experience atang pawn ka hmu ve a. Tawihthei leh tawihthei lo phur motor a hring leh a pawl tlan kan hmu fo thin a mahse a khawn tak takah chuan khatiang thlap thlap khan an phur kher lo tih te pawh kan hmuh fo dan a ni a. Paih ni leh paih loh ni te chu Local Council-in an tar ve teh meuh mai a, nimahsela a lakkhawm dan kha khatiang a nih leh si loh chuan tih ngaihna a awm chuang lo tihna a ni a, a mawhphurtu tak tak zawk chu sawrkar lam zawk zel kan ni em? Local Council member te pawh a mawhphurtu kan ni zawk zel em?

Incinerator leh khawl han khu vut vut leh ram kang ti pung thei tur ang chi te kha a awm tur angah khan ka lo ngai deuh a, project summary atang khan. Khawl te lo chhe palh ta se tih te rilruah a lo awm deuh a, a awm dawn lem loh pheih chuan a tha viau mai, tih kha ka sawi tum chu a ni deuh mai e. Zawnha chhan ngai lam pawh a ni lutuk chiah lo e.”

Chhanna: Consultant (ECOMS & Voyants Solution Pvt. Ltd.)

“Project ah khan incinerator hi propose a ni lo va, nimahsela write-up ah khan rules a mi incinerator chungchang ziah tel kan lo neia, incinerator san zawng leh bawlhhlawh sawngbawl dan guidelines SWM Rules in a sawi kha kan lo ziaak lang tel palh a ni. Mahse tun project hi Incinerator ngai lo tura ruahmanna siam a ni a.

Tin, bawlhhlawh thlauh chungchangah khan, truck te pawh khuhna nei thlap, specially designed a siam tur a ni a.

Aizawl bawlhhlawh management felfai lo kan tih pawh kha, a dik khawp mai. Lunglei-ah pawh hian a tir atanga felfai taka kalpui thei tur chuan a source lamah segregation a that hi a pawimawh a, a source-ah felfai taka thliar hran a nih chuan a sawngbawlna hmunah pawh thil a awlsam phah dawn a ni. UD&PA consultant kan nihna angin thahnemngaiin chu chu kan han sawi lang a ni e. Vawiinah Lunglei khawtlangah pawh mi pawimawh tak tak te kan lo kal khawm a, keini ho hian kan khawtlangah theuh te hma kan lak chak chuan, Lunglei SWMC hi Mizoram pumah pawh model status a nei thei a ni. Tin, he SWMC hi ruahman a nih chhan ber chu hmasawna kal zelah bawlhhlawh a pung tial tial si a, kan chhehvel nungcha, ramngaw leh mihringin kan tuar lutuk tur venna atan leh felfai zawka bawlhhlawh sawngbawl kalpui theih nan UD&PA in a ruahman a ni tih ka sawi duh bawka a ni.”

Zawhna 8-na: Pi Lalchhanmawii, Quality Manager, District Hospital, Lunglei:

“Zawhna pahnih ka nei a. He project ah hian biomedical waste a tel dawn em tih kan hre duh a. National Quality Assurance kan tiha primary health center, community health center, district hospital leh sub-district hospital hrang hrangah infection control hnuaia pawimawh em em a ni a, BMW hian mark a pu hnem em em a ni. National Accessor te an lo kal a, Common Review Mission, National Health Program hnuaia mission pawimawh ber a ni a. Kan thil tih dan hrang hrangte chu tha an ti tlangpui vek a, *‘Theihtawp in chhuah a damlo te tan, mahse in bawlhhlawh paih dan hi,’* tiin duh khawp lohna kan dawng a. Civil Hospital-ah pawh kawng tam takah positive feedback kan dawn laiin, waste paih dan ber kha problem ber a ni a. Chuvangin, tuna project plan hian Biomedical waste Management ah hian engtin nge kawngro a rawn sut ve dawn tih leh Accessor leh Review team te lo kal se engtin nge kan lo chhan ang? Incinerator te a awm dawn si lova, kan contaminated numb plastic waste te hi engtin nge kan paih ang tih te kan hre duh bawh a. A tawp ber atan chuan, segregation kan han ti ang a, bawlhhlawh bawm pawl leh a hring kha kan hmang dawn a nih hmel a. Mahse hospital set-up ah khan a pawl kha biomedical waste bin a nih si avangin tunah hian a dum leh a hring kan hmang a. Primary health center hrang hrangah pawh a dum leh a hring hman a ni a. Tuna kan hman dan anga hman chhunzawm hi a pawina a awm ang em tih kha ka rawn zawt bawh a ni e.”

Chhanna: Consultant (ECO-Management Services & Voyants Solution Pvt. Ltd.)

“He system-in a huam hi chu municipal solid waste tih kha a nih avangin biomedical waste lam chu a huam tel chiah lova, system thar te a rawn awm leh a nih loh chuan tunah rih chuan biomedical waste lam chu huam tel a ni lo.”

Zawhna 9-na: Pu Lalruattluanga, Sazaikawn:

“He pollution chungchang hi keimah bikah pheih chuan a mikhual lo khawp mai a. Open burning chungchangah vawi tam tak Additional DC, Lunglei Municipal Council leh MPCB-ah te pawh complaint ka siam tawh a. Additional DC kaihhruiin meeting pawh kan nei tawh a, chutah chuan mi pakua-in kan attend a. Additional SP te, LC Chairman, Sazaikawn te, Zonet lam te, LC Treasurer Hauruang te, forester te. A buaithlak khawp mai a. Temporary leh permanent solution kha kan draft phawt a, permanent kha kan tlin dawn lova kan hriat avangin temporary solution kha hman turin thu kan tithlu ta a. Khulai hmun khu a thlang siam rih a la nih avangin loh theih lohin hman rih a la ngai tih a ni a, amaherawhchu pollution awm zawng zawng te kan tiziaawm tur a ni kan ti a. A hmasa ber atan chuan fire department-in an phuh huh vek tur a ni tih a ni a. Fire Department pawh a tukah an rawn chhuk nghala an phuh huh vek a, an phuh mit thawkhat a, reilote chhung kha chu a ziaawm a ni. Mahse khami hnu lawkah khan a ngai ang bawkin pollution kha a rawn nasa leh em em tawh a. Kan sawi tak ang khan a thlang project pawh kha an tan ang tih kha sawi theih a la ni lova, thla khat chhung lek pollution intawrhthir pawh hi mihring nunna atan a hlauhawm lutuk a ni. Chuvangin kan minute lo awm tawh, ziaka kan dah tawh kha chu hmalatute pawhin zah se, pollution tiziaawm tura kan tih pawh kha tih ngei ni se ka duh a.

Tichuan, ka zawhna pakhatna chu, engtikah nge project khu an tan theih ang tih a ni a. Tin, composting leh landfill hman tur an rawn sawi te kha Mizoram hmun dangah te hman a

ni tawh em tih leh a practical tak tak em tih ka hre duh bawh a. Tichuan, he system hian pollution a siam lo ang an tia, lo siam ta se, mawhphurhna an la ngam ang em tih kha ka zawhna a ni e. Ka lawm e.”

Chhanna: Consultant (ECO-Management Services & Voyants Solution Pvt. Ltd.)

“Kan la tan lohna chhan chu EC hi neih phawt a ngaih avang a ni a. EC kan neih theih hun tur hriat a ni lova, hmabak hrang hrang a la awm a, landfill te pawh siam a la ngai a. Khang zawng zawng kha kan zawh hunah chauh hman tan theih a ni dawn a ni.

Tichuan hmun dangah hman a ni tawh em tih chungchangah kha chuan hetiang system hi chu Aizawl lamah te pawh hman a ni tawh a, amaherawhchu a fail deuh chu a ni. Sawi tak ang khan source segregation hi a that loh chuan system tha deuh awm mahse, dan kha kan zawm si loh chuan buaina a thleng ta thin a ni. Keini chuan kan la hmang tan lova bul kan tan dawn chauh a ni a, chuvangin a tir atanga source segregation te kan tih that a thil a nih dan tur anga kan tih theih chuan, nichina kan sawi tak ang khan he system hi Mizoram tan pawh model a ni thei a, chu chu tum tlang ta bawh ila tih ka han sawi leh duh a ni.

Pollution chungchangah chuan, bawlhhlawh a awm chuan pollution chu zero a ni thei lo tih chu kan hria. Pollution bakah fire accident te pawh thleng thei a ni a, mahse khang thil zawng zawng lo thleng thei kha a ven dan tur ruahmanna tha taka siam a ni a, air pollution mitigate dan tur te, noise leh water pollution thlengin ruahmanna siam vek a ni. Bawlhhlawh atanga rimchhe chhuak tur pawh a control-na turin ruahmanna siam a ni a. Pollution chu zero ni thei lo mahse, a venna leh a tihlemna tur measures hrang hrang siam a ni a, a zawng zawng chuan vawiin chuan kan sawi vek hman awm lo e.”

Zawhna 10-na: Pu LH. Lalngaihsaka, Chairman, Sazaikawn LC:

“Ka hmaa mite pawn khawtlangin kan tawrhna chungchang chu an rawn sawi tawh a. Tuna solid waste management center hi engtikah nge a function theih ang, clearance te buaipui a la ngai bawh si a? Chumi hma chu khawtlang khuan kan tuar tlawk tlawk mai dawn em ni? Tin, lui hnaivai ber kha report ah khan 2 km a hla tiin a inziak naa, khumi thlang lawkah khuan Lungin lui hnar a awma, mi tamtak eizawwna hnar pawh a ni a. Chuvangin he SWMC engtikah nge hman tan a nih ang? Chumi hma chu ruahmanna min siamsak dawn nge tih kha ka rawn zawt a ni e.”

Chhanna:

Pi Zoramdini, Addl. Deputy Commissioner, Lunglei District & Public Hearing Chairman):

“Engkim a kal tluan chuan kumin August hi sawrkar chuan hman tan theih a inbeisei hun chu a ni a. Engtin nge tun atan bik ruahmanna kan siam em tih bik kha chu ka chhang thei mai lo che. UD&PA lamin an chhang thei mahna.”

Pu K. Laltanpuia, UD&PA Department, Lunglei:

“DUDO hi traffic lamah a tan avangin a aiawhin ka rawn ding a ni. Tuna kan bawlhhlawh paihna khu open dump site a ni a, khumi tihreh nan khuan SWMC hi kan buaipui mek a ni. SWMC hi kan run theih hunah chuan tuna kan bawlhhlawh paih mekna laia khu legacy waste a lo ni ang a, legacy waste a lo nih chuan department lam atang pawhin Legacy

waste remediation proposal kan siam thei chiah dawn a ni. Ram dangah te pawn an lo hlawhtlinpui tawh a. Bhopal khawpuiah te pawh bawlhhlawh, tlang pawng tiat dawna vum tawh te pawh legacy waste remediation an ti a, bio-capping te leh process hrang hrang hmangin park nuam takah an siam thei a ni. Khatiang pui pui kan ramah kan lo ti thei kher lo a nih pawhin, legacy waste remediation hian awmzia a nei a ni.

Kan sawi tak tuihna leh ramngaw leh nungcha tana pollution a siam hi, remediation hmang chuan tihreh tur a ni. Tunah hian concept note pawh kan la neih chiah lo naa, nikum lamah department-in a site pawh kan zu luhchhuah vek tawh a. Check dam te siama a kawr hawizawng khu sawna, bawlhhlawh vum te pawh khu biocapping hmanga che tawh miah lo tura chhilh veka, leilung tana hlauhawm si lo technology hmanga hma lakna kan ruahman mek a. Chung zawng zawng chu SWMC kan run hma chuan a project kha a siam theih rih si loh a ni.

Sazaikawnin harsatna an tawh nasa khawp mai a. Khulai bawlhhlawh lo kang thin khu department ang pawn hma kan lo la ve thin a. Garbage truck kan enkawl lai khan tui te kan leia kan zu phuh huh ve thin a ni.

Tichuan, he project hian garbage truck te a rawn keng tel dawn a. Tunah hian department hian a contractor te atangin pickup pahnih leh truck pakhat an rawn supply tawh a ni. A body-build pawh a dang viau a, a te zawk pheih chuan chhin a nei a ni. Tunah LMC hian service lai pathum an nei bawh a, a vaiin paruk kan nei tawh a, kan dawn belh leh tur te nen pheih chuan in manage thei turah kan inngai.

A tawp berah chuan awareness chungchang kha, a pawimawh khawp mai a. Project cost hi nuai 600 a ni a, chumi project hnuaiah chuan capacity building leh IEC tih head hran a awm a, tah chuan nuai eng emaw zat chu dah a ni. A thawktu turte training pek nan te, mipui vantlanga awareness neihna tur atan khan dah sa vek a ni. Nichina sawilan ang khan school leh veng thenkhatah chuan awareness hi kan lo nei nual tawh a. Nichina sawi chhuah Kohhran thlenga awareness programmne neih pawh kha kan proposal-ah hian kohhran thalaite pawh kan tinzawn a ni tih kha ka'n chhang tel mai e."

Zawhna No. 11-na: Pu Sangchungnunga, Sub-Headquarter, YMA:

"Vawiiina EC nei tura inrawnkhawm hi sawi thui lutuk ngai pawh ka ti lo a, tuna Hauruang leh Sazaikawn-te'n harsatna an tawh mek chhanchhuahna tur a ni a, Central sawrkar khu tipuitling thui thui tura tih hi kan thutlukna tur niin ka hria. Tichuan a kal zel ang a, an sawi tak ang khan tawih thei ho kha leitha atan an hmang ang a, kawr ruam leh chhengchhe deuh, tui awm lohnate kha tawih thei lo Solid Waste hmang khan hnawh khah a ni a, khelmual atan te leh kawngpui siam nan te an hmang bawh ang a, damdawi in bawlhhlawh a huam tel lo erawh a pawh ka ti khawp mai. Vawiiinah hian Plastic bottle-a tui chhawp ka hmu lo a, ram dangah chuan plastic bottle hi khawlai chei mawi nante an hmang a, keini chuan kan paih hum hum ringawt hi a pawh ka ti. Naupang hi chhar khawm turin bottle pakhat zelah Rs. 5/- hlawhin UD&PA-te hian ti se la, kan hmang tangkai thei dawn a ni. Tuna Centre in buatsaih tur hi chak takin hma la ula, mipui hian kan pawmpui ang che u tih hi ka ring a, Sub-headquarter YMA committee-ah pawh hian kan sawi thin, peih thui thui se la tih hi kan duh dan a ni. Kal khawmte pawh hian thil dang lutuk sawi loa rang taka peih a Department-in EC hi an hmuh thui theihna turin duhsakna kan hlan che u tih hi kan thutlukna ni turah ka ngai."

Chhanna: Pu K. Laltanpuia, UD&PA Department, Lunglei:

“A pawimawh berah chuan mipuite’n thu kan awiha kan zawm tlan hi niin ka hre ta a, UD&PA hi kum 2022 niin ka hria, April ni 1 atangin SWM Centre la nei lo mah ila inzirtir nan tawih thei leh tawih thei lo i thliar hrang ang u tiin Sanitation Task Force-in a pass a, UD&PA deptt.-in kan kalpui chho a, sumte pawh kan sen belh nasa a, tawih thei paih hun leh tawih thei lo paih hun, a motor detailment thlengin kan insen belh a, tah chuan kan hmuh tâk chu bawlhhlawh thliar hran hi mipuiin kan zawm tha lo a ni.

Khatia kan han kalpui kha cable TV pakhat chuan Special Report an rawn nei a, bawlhhlawh paihna hmunahte an zu kal a, tawih thei leh tawih thei lo hi strict takin an khawn a, mahse sawngbawl loin an paih khawm leh tho a ni tiin report an siam a, amaherawhchu kha tih lai khan tih ngei ngei tur ni loin education purpose atana inzirtirna chauh tih niin tihchhinna chauh a ni. A pawimawh ber, a primary step-ah chuan bawlhhlawh thliar hran hi mipui zawng zawngte’n kan zawm that phawt hi a ngai a ni.

Medical Waste chungchangah chuan LMC leh UD&PA-te’na kan khawih theih chin ni rih chu SWM Rules 2016-in a huam chin chauh hi a ni. Lungleia damdawi in pakhat pawh hian hman kumah biomedical waste paihna hmun an neih loh avangin UD&PA-te nen insiam remin paihna tur a lo ruahmansak tawh a, a remchan dan ang leh a tul dan angin an lo thawkho fo tawh a, thawkho leh te pawh kan beisei.”

Zawhna 12-na: Pu Lalrinawma, Relief & Development Department, BCM:

“Thil han zawh tur leh sawi tur tawitê ka nei a, SWM hi tha ka ti hle a, Aizawl-ah a fail deuh a ni an ti a, a fail tak kha kan ti ve leh dawn si a, fail ve lo tur chuan eng angin nge hma lak kan tum ang?

Bawlhhlawh khawn khawm dan turah hian Lunglei pumpui hi a huam dawn niin ka hria a, tunah hian motor thlen phak lohna a la awm bawk a, chutiang ho chu kan ngaihtuah thleng tel em? An duh duhnaah an lo paih bik mai dawn em ni? A tam zawkin tha taka kan paih laiin lo paih mai mai an awm chuan a fuh lo thei viau dawn a, kan rilru-ah awm se la a tha hle ang.

Project hi kum 2032 thleng chu tha takin kan hmang thei turah kan ngai a, Project tan a, kan hman tan tak tak theih hun chu kum 2028 velte hi a ni daih mai ang em, kum 4 vel chhung chiah hi kan hmang thei dawn nge a hnua hman chhonzawm zel theih turin a dangte kan tih belh dawn, entir nan cheng tam tak kan seng si ang a, a lo hlawhtling a nih pawhin kum 4 lek atan khan a ni mai em tihte ka rilru-ah a awm a, ka rawn zawt ve a ni e.”

Chhanna: Pu K. Laltanpuia, UD&PA Department, Lunglei:

“Aizawl-ah Tuirial-ah SWM Centre a awm a, a fail kan ti thin a, anmahni pawh sawn fail-ah an inngai deuh niin a lang a, Lunglei-a kan din dawn pawh hian kan va tlawh a, kan fail ve loh dan tur kan ngaihtuah ve ngar ngar a, chumi atana pawimawh hmasa ber chu mipuiin kan vaia kan zawm that kha a ni tho tho a ni. Bawlhhlawh kan thliar that loh chuan sawngbawl ngaihna awm chuang lo, kan chhung khawm ruih ang a, a khat leh zung zung bawk ang a, Aizawl-ah pawh a fail-na ber chu thliar hranah a ni a, chu chu kan tih theih loh chuan kan fail sa tho tho tihna a ni.

Motor thlen phak lohna chin kha pawh hi Deptt. lam pawhin an hre sa vek a, ruahmanna an rawn siam sa a, tuna kan hman lai garbage truck ho hi lian pui pui niin main-road bak a tlan thei rih lo. Tunah chuan motor tê leh lian pawh kan dawng tawh a, Veng kilkhawr zawk pawh thleng thei turin pick-up pawh pahnih kan dawng tawh a, pick-up thlen phak lohna chu nakinah a enkawltu tak takte'n ruahmanna an la siam ang. Sanitation Point System hi Mizoram-ah chuan a rintlâk ber a, door-to-door hi thlen phak lohna tam tak a awm a, in pakhatat pawh chhawng 4-5 te a awm avangin kawngka tina va lak vek kha a theih loh thin a ni. A project hian wheel-barrow-te pawh a keng tel a, heng hmangte pawh hian a tih dan remchang a la rawn chhuak turah kan ngai.

Eng Centre pawh din ila a daih chintawh hi chu a awm dawn hrim hrim a ni. SWM System-ah hi chuan a daih chin kan sawina hi chu a Landfill chiah hi a ni, a bak hi chu kan hralh chhuak leh vek dawn, tawih thei chu leitha siam nan a ni a, recycle theih ho thil dang siam nan hralh leh vek tur a ni. Landfill hi a khah huna hmun danga siam thar leh mai theih a ni bawh a, Hauruang kawngah Centre-I kan siam a, kan zo tep a, chumi lai vek chuan Pukpui-ah Centre-II kan nei leh bawh a, chubakah Lunglei South lamah sawn Theiriat ram vel saw a dang siam leh nan vawi 2-3 vel kan lo va thlithlai leh tawh a, Lunglei hi kan than ve zel avang hian kan bawlhhlawhte pawh a pung chho ve zel a, bawlhhlawh paihna tur Centre hi kan mamawh belh zel dawn a ni tih rilrua hre reng chungin Deptt. chuan min dawl zo tur hi a ngaihtuah ve bek bek reng a ni.”

Zawhna 13-na: Pu F. Lalthanzama, President, Sazaikawn Branch YMA:

“Hei vawiina kan thusawi hi a tha khawp mai a. A history lampang kha chu kan hmaah khan an sawi tawh a, kha lampang kha chu ka sawi tawh lo mai ang a. Tichuan, vawiina ka sawi duh chu Waste Collection chungchangah khan, tunah hian kan collector te hi UD&PA Deptt chauh an ni lo a, YMA branch hrang hrang ten an collect a. Chumi chungchangah chuan YMA te collect hi an la phal zel ang em? An phal zel dawn chuan thliar hran lohin YMA chuan an collect tawp thin.

A pahnihaah chuan, bawlhhlawh kan dahkhawm hi tlema a awm rei deuh chuan, hal miah loh hian Methane gas ang chi te a insiam thei a, chu chuan kangmei a tichhuak thei tih hi kan hriat a pawimawhin ka hria a. Tunah pawh hian khulaia kang, Sazaikawn-in kan tawrh em em khu, tute nge haltu kan tih hian haltu an awm ngai lo tlat. Chuvang chuan, bawlhhlawh khatiana sawngbawl tur pawh kha dahkhawm eng emaw chen chu a lo ngai ang a, kangmei te pawh a chhuah phah thei ang em? Environment a tichhe thei ang em? Tin, bawlhhlawh zingah lighter chhia te emaw lo telin kangmei a chhuah phah thei bawh ang em?

A dawt lehah chuan, bawlhhlawh sawngbawl dan tuna kan hun hman mek hi Sazaikawn chuan kum tam tak kan tuar tawh a. He tuna kan project hi engtikah nge a hlawhtlin ang? Chumi chhung chu Sazaikawn khawtlang leh khulaia kal vel thin khuan kan tuar ngawt ngawt mai dawn em ni? Kum engzatah nge an tihhlawhtlin ang a, chumi hma chuan tuna kan tawrh mek sutkianna tur hi thil ruahmanna a awm em?

A dawt lehah chuan Plan & Project ruahmanna tha pui pui hi, politics thilah te, Department thilah te, kan ramah hian thil tam tak kan siamchhuak a. Chung chu a nih anga function lo hi a awm thin a. Chutah chuan a nih angin function lo ta se a tuartu tur chu Sazaikawn tho kha kan la ni a.

Mizoram-ah Power Supply a mumal lo khawp mai a. Kan bawlhhlawh sawngbawlna tur kha a khawl te khawl lian pui pui generate nan Power Supply kan mamawh dawn a. Chung thilah harsatna eng emaw lo awm ta se, ni hnih ni thum te khaihlaik te leh eng emaw te pawh kha a lo awm palh thei a. Chumi chhunga bawlhhlawh lo inkhawkhawm te kha a hnuah kan recover leh thei ang em?

Chuan, a tawp bera ka'n sawi leh duh chu, Law & Order chungchang hi. Nikumah khan kan AMC chairman hoin an Committee Room-ah sawn kan committee a. Chutah chuan, tuna khulaia bawlhhlawh paih awm saa kan harsatna chungchang kan rel a ni. Tah pawh chuan Law & Order-ah hian kan ram hi kan fail lutuk hi a pawh a. Chumi hnuah chuan kan tawrh lutuk loh nan hla zawkah, khu lai Hauruang pelh km nga (5) velah khuan tun hma atanga paih lawkna a awm thin a. Chutah chuan paih tawh turin kan rel a ni. Amaherawchu chumi chuan awmzia a nei ta reng reng lo a, a awmsa kha chu awm tlawk tlawk se, kan harsatna tam tak kha eng emaw a thar boruak chhe thar lo siam tura kha a veng thei a. Amaherawchu khatia a awm tawp tawp kha chuan kan paih sa ang kha chu a tawihral ang a ti khan a zia chho mai turah kan ngai a. Chu chu ka rawn sawichhuah leh chhan chu nichina ka sawi bawh kha, tuna kan dinhmuna hi engtia rei nge ni ang? Kan project peih fel a nih hma hian khulaiah khuan a ngai ang hian kan paih mawlh mawlh mai dawn nge kan la tuar ngawt nagwt mai dawn tih a ni. Vawiina kan kalkhawm chhan chu a ni chiah lo maithei a, mahse Lunglei lam authority te nge ni ang, chhang thei kan awm chuan chhan a tha viau in ka ring. Tuna ka'n din chhan pawimawh tak pakhat chu chumi kan dinhmun kal tur zel kum hnih thum project bawhzui chhunga kha min ngaihpaawimawhsak a pawimawh hle mai tih kha ka'n tarlang leh hram a ni e."

Chhanna:

Consultant (ECO-Management Services & Voyants Solution Pvt. Ltd.)

"Keimahni concern thil, point no. 2, 'Bawlhhlawh dahkhawmna atangin gas a insiam thei a' tih lai kha zawhna pawimawh tak a ni a, ka'n chhang dawn ang a. Ni e, a dik chiah a. Sawi kim vek hi a har a, sawi tawh ang khan a vai hian pheh zahnih leh tih lai a ni a, kan sawi vek seng lo va ni. Bawlhhlawh dahkhawm hian gas a siam a, kan hria ang a. Landfill-ah pawh bawlhhlawh kan dahkhawm dawn a, amaherawchu, tah pawh khan system felfai deuha siam a ni a, landfill gas collection system tih a ni a, chu chu pipe-in a gas chhuak tur kha collection system felfai taka siama chu chu collection center-a a gas kha collect vek tur a ni tih kha, kha lai te kha keimahni kan thil tih, hemi Environmental Impact-a rawn tel a nih avangin khalai point kha ka chhang a. A bak kha chu, keimahniin kan hriatpui chiah lo va UD&PA Deptt. lam chhan theih tur niin ka hria."

Pu K. Laltanpuia, UD&PA Department, Lunglei:

"Pi Chairman, zawhna indawt hian ka'n chhang leh mai ang e. Tun dinhmunah hian YMA, emaw VC emawa mahni veng lo inkhawn te kan awm a. LMC-in veng eng emaw zah an khawn bakah Veng bila lo inkhawn an awm bawh. Tin, garbage truck thenkhat LMC, UD&PA Department tih la inziak a la awm nachungin LMC-in a take-on tawh a ni tih kha ka han sawi leh hrim hrim ang e. SWM Center hi a function hunah chuan YMA emaw Local Council emaw-in lo khawn pawh ni se, thliar hranga khawn lo chu khulaiah khuan an paih thei tawh dawn lo tih kha a chhanna chu a ni tawp mai. YMA pawn, 'Thliar hrang thlapin kan lo khawn

ang e' an ti a nih chuan SWMC enkawltu tur LMC te nen inbe remin a tih theihdan a awm te pawh ka beisei. A tha leh motor tam lam kha chu mipui pawn kan tangkaipui zawk a rinawm si a. Chuvang chuan, nichina ka sawi tak ang khan SWM Center a run hunah chuan motor awm thei chiang sa chu paruk vel chauh a ni a. Motor paruk awm ai chuan Local Council te bawlhhlawh khawwna motor sawm te nena kan khawn theih chuan a duhthusamawm zawk dawn a. Chuvang chuan, thliar hrana an khawn ve thei a nih chuan LMC lam enkawltu turte pawh inremsiamna a awm theih ka beisei.

A pahnihna kha chu methane atanga kangmei lo chhuah theih dan kha chu a rawn chhang tawh tho a ka sawithui tawh lo ang a.

Hei hi chu kan problem a nih rual rual hian, a nih loh vat theihna chu SWM Center chu kan run tho tho a ngai a ni. Tin, tuna kan project kalpui lai a hlawhtlin hun tur chu mipuitena kan zawm that hun hunah hian a hlawhtling dawn tih hi a principle laimu ber chu niin ka hria. Kumin August thla velah kan Chairman sawi ang khan, lo run thei nghal ta ila, a hlawhtlinna hi a hmuh nghal theih a ni, kan zawm that chuan. Bawlhhlawh rawn tlingkhawma hralh chhuah theih plastic hi quintal khat kar khat chhunga kan lo thliarhrana kan lo bale nghal hman chuan a hlawhtling nghal dawn. Chutiangan lei tha tur te pawh ni se, mipuiina kan zawm that hun hun hi a hlawhtlin hun tur ni maiin ka hria a, sak zawh hnu atang chuan.

A tawp berah khan, power supply shortage te lo awm ta se tih kha a ni a. Heihi chu la awm lo ngaihruatna te pawh a ni a. Amaherawhchu heihhi chu manage-dan a awm hi ka beisei a, keimah pawh hian a mimal tak pawhin. A chhan chu kan khawl hman tur hi tuna a chiang saah chuan technology thar te a lo chhuak a a aia changkang zawk te kan hman a nih chuan kha kha chu kan la hrethui bik lo a. Tun dinhmuna kan khawl hman tur chiang saah chuan baling machine leh shredding machine leh mechanical compost kha a awm dawn thoin ka hria a. Shredding machine chu a hersawmtu kha a ni mai a. Tin, baling machine pawh hydraulic-a han beng muka bale khawmna kha a ni mai a. Kha kha a technology mawlmang si tangkai tak si a ni a. Current a awm loh chuan a hman theih loh thung a ni. Amaherawhchu, khami ringawt kha chu kan problem ni lo turah ka ngai. A chhan chu a project hian power supply pawh a mamawh san avangin Aizawl-a a mamawh ang zat hi kan va zawt a, a project-ah hian kan telh sa vek tawh a ni. Household connection ang ringawt hi a ni bik lo a ni. 3-phase khawl te a lo ni a chuvang chuan a connection pawh hian khatiang inmil tur khan estimate kan siam vek tawh a, hei tunah kan zo tawh zawk dawn a ni a. Power shortage a awm kha chuan ni hnih khat kha chu kan lo backward hlek a nih pawhin in-recover a har lo turah ka ngai. Tin, hralhchhuahna tura a Company truck phurtu tur khan thawl deuha a phurh duh hi a rinawm lo a. Khuta Center-a lut zawng zawng hi weigh bridge-ah an lo buk vek ang a. An phurh chhuah leh nen hian weigh bridge paltlang vek a ngai dawn a. Zang tea an chhuah duh hi chu a rinawm lo a ni. Mahse chuvang chuan baling machine-a compress phawt loh chu an phurh duh hmel chuang lo va. Current awm hun kha chu an nghak tho tho dawn. Power shortage kha chu, tuna he lai local-a kan problem ang tho hian ni hnih khat chu kan problem a ni a nih pawhin kha kha chu problem lian tak ni lo turah i ngai phawt ang u.”

Zawhna 14-na: Pi B. Lalengzami (MHIP Secretary, Sazaikawn):

“Khu laia kan bawlhhlawh paihna hmun hi August thlaah hian kan peih hman thei ang ti khan in sawiin ka hria a. Amaherawhchu tun leh August thla chu hei thla hnih thla thum dawn a la awm a. Khutah khuan zan leh chhunah te pawh pollution nasa takin a kal reng a ni. A chang phei chuan kan mut theih loh phah fova, hei hi sawi lan loh theih loh a ni a. Chu chu kan harsatna a ni a, helai hmun kal kan ngaihpawimawh em emna chhan a ni. Chuvangin, chumi in peih hma chuan a khu khu helai hmuna lo kal te hian min tihrehsak kan mamawh ber a ni. Khu kan hip reng mai chuan thla hnih thla thum pawh rei deuh mai a ni a tuartu tan chuan. Chumi a nih avang chuan a theih phei chuan kan duh danah phei chuan khulai hmun khu sawn hlauh se tih hi kan duh. Khawpui a hnaihin a hmun khu a hniam em em a ni. Chuvangin, eng thil pawh lo thleng se a tlang sanga mite khan a engkim hi kan hip a ni ringawt mai a ni. Chumi a nih avang chuan, a nihna takah chuan a hmun chawp khuan sawn daih se kan duh a, amaherawhchu tikhan tihpuitlinna turin ruahmanna felfai tak in lo siam a, tihpuitlin chauh kha inhmabak a ni tawh si a. Chumi a nih avang chuan sawi theih pawh chu a ni tawh lo va. Tihpuitlinna tur kan rel kha a ni tawh mai a. Chumi in tihpuitlin hma chuan khulai khu khu engtin nge in tihreh theih ang? Engtin nge hma min laksak theih ang tih kha ka zawhna a ni e”.

Chhanna: Smt Zoramdini, Addl. Deputy Commissioner, Lunglei District & Chairman, Public Hearing:

“Tunah rih hi chuan a buaithlak viau mai a. Khami a solution sawi tur em ema rawn kal kan ni chiah lo va. Tun tut tutah chuan a huphurhawm viau mai, a nihna takah chuan. A chhan chu Fire Department-in tuiin phuh dawn se tui kan harsa bawk si. Hmanni pawhin LMC atang pawhin ngaihtuahna te kan han hmang a. Mahse a huphurawm viau mai tunah rih hi chuan, a tlang rawta sawi chuan. Mahse kha kha chu sawi nawn tawh lo ila, a ngai bawka kan let leh chuan kan rei dawn lutuk a. Kan sawi tawh ang khan, Solid Waste Management Center khu kan hawn hma poh leh, Environmental Clearance kan hmuh hma poh leh, nichina UD&PA-in an rawn sawi ang khan khulai a khu reng in tih khu, Legacy Waste-ah a chang thei dawn a. Legacy Waste a nih chuan project hranin a kal ang a. Tichuan khulai khu a sawngbawl leh theih dawn a ni. Immediate solution tun maiah chuan a har khawp mai.”

Zawhna 15-na: Pi B. Suihnemthangi, MHIP Hruaitu, Sazaikawn:

“Vawina kan ngaihpawimawh em em leh kan lo kal chhan kha kan duh ang te kan thlen tawh a. Amaherawhchu, khami project kha kan duh lo hrim hrim kan ti a ni lova, in tihhlawhtlin theih kha chuan a tha kan ti em em a. Mahsela khami in tihhlawhtlin hmaa keini Saizaikawn-ina kan tawrh rengna tur kha min ngaihtuhsak thei ula kha kan han duh a. Amaherawhchu, nichina I rawn sawiah khan helai hmuna kan ngaihtuah theih pawh hi a ni lova i ti a. UD&PA lam khan min ngaihtuhsak theih kha kan ring a. Ni e, tui lam te pawh hi a harsa a, amaherawhchu tum chuan kawng a awm a. Mipui min ngaihpawimawha hriselna an ngaihpawimawh tak tak a nih chuan khulaia environment chhe lutuk mai mipuiina kan hip reng hi a tihzia dan kawng min ngaihtuhsak ula, kha kha kan duh ber chu a ni a. Tin, tuna project in kalpui hi in tihhlawhtlin theih kha chuan kan duh em em a ni. Kan do lo, kan duh em em tho Sazaikawn mi te pawh hian, tha taka a kal phei chuan. Amaherawhchu tun anga a

kal renga khami project te pawh kha a khawtlai kha chuan kan tuar zel dawn tihna a ni a khami min sutkiansak dan kha chu theih ang tawka hma min lakpui a, khu laia kan harsatna kha min sutkiansak turin kan ngen nawn leh che u a ni e.

Zawhna 16-na: Pu RC. Lalthanzama (Director, Relief and Development Department, Mizoram Baptist Kohhran / Rahsiveng leh Sazaikawn Bialtu):

“Kan unau te, a bikin Pukpui leh Sazaikawn te, Hauruang te, vawiina Lunglei mipui kalkhawm kan tihte lo kal chhan hi chu kan Public Hearing thupui nen hian a inmil chiah lo a ni. Kan kalkhawm chhan chu, bawlhhlawh sawngbawlina hmun buatsaihna tur Pukpui sawn harsatna siam dawna an hriat avanga lo kal an ni a. Chutiang bawh chuan Hauruang leh Sazaikawn pawh chu bawh chu an ni a. Hetia kan lo hmuh tura sawmna kan han hmuh leh Programme for Public Hearing on Solid Waste Management Facility tiha in rawn ziaka hi in tum tak mai Pollution Clearance-a kha a ni dawn a ni tih kha kan hriat loh vang hian kan rawn inbuatsaihna leh kan sawi tam zawk pawh kha in tan hian a ninawm maithei a. Amaherawhchu an lo kal chhan leh an rawn inbuatsaihna leh kan programme hi a inmil loh em vang a niin ka hria a. In thil zawng zawng kan han hriat hian, Pi Chairman, in tum ang tak leh vawiina kan kal khawm chhan ang taka khumi chungchangah hi chuan tihhlawhtlin thuai thuai ni se tih hi kan zavai hian kan duh tlangin ka ring.”